



UNIVERSITÄTS-
BIBLIOTHEK
PADERBORN

Universitätsbibliothek Paderborn

Opvs De Iudiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos &
Festos, ab ipso Auctore confectus

Stengel, Georg

Ingolstadii, 1651

20. Stimuli ad fidem coniugalem seruandam.

urn:nbn:de:hbz:466:1-45686

inter quos amor mutuus; auxilium mutuuum; verecunda castitas: nihil amarum: ardens & amabilis constantia.

XX.

Plutarch. in
Lycurgo.

Adeste igitur, o coniuges, & bonum hoc matrimonij colite, seruate fidem, quam spondidistis. Non ea ita difficilis est, ut seruari non possit; non ita rara, ut non seruetur. Apud Spartanos adulterium fuit inauditum. Hinc hospiti sciscitanti: *Quæ esset pœna, apud Spartiatas, in adulteros constituta?* Respondit Geradas: *Adulter, hospes, non inuenitur apud nos.* Quæ subiciente; *Quid si inuentus sit?* *Taurum*, inquit, *luit ingentem, qui capite traiecto Taygetum bibit ex Eurota.* Obstupescente illi ac dicente: *Qui existat bos tantus?* ridens Geradas: *Qui, inquit, adulter existat Lacedamone?* Vxor Hieronis, vel, ut alij volunt, Gelonis regis Siciliae, paullo prius à nobis laudata, si omnes feminas haberet pares, tamen pares, apud nos, viri non reperirentur. Pudor est igitur nostro seculo, à Spartanis superari, & pudor noster est honor Spartanorum. Chiorum feminae tantæ erant castitatis, ut neque adulterium, neque illegitimum concubitum ibi accidisse vnquam proditum memoria sit. Quin & in Germanorum olim feminis, mira fuit pudicitia: nulla spectandi illecebra: nulla conuiuorum ratio: rara in tam numerosa gente adulteria: cuius coniectu muliere, resectis capillis, nudatam coram propinquis, maritus, deuoto exactam, toto uico verberibus agebat. Profligata pudicitia nulla uenia: non ætas, non forma, neque connubium corruptis conciliare poterat. Nemo tamen uitia videt; id enim corrumpere seculum, & corrumpi arbitrabantur. Sic rursus mulieres maritum accipere, ut unum corpus, & unam vitam. Nec ulla cogitatio ultra, nec longior cupiditas: tanquam matrimonium amarent, non maritum. Plus apud illos boni mores valuerunt, quam alibi bona leges. Hæc antiqua Germania fuit. Noua plane nunc est Germania, postquam ab antiquis moribus recessit: cui columba illa seducta non habens cor potest comparari. Nimirum aliter viuere nostra ætas cœpit, postquam cœpit aliter uetitia. Immo aliam vitam, alius habitus est secutus, ut seculum in leuitatem declinans, luxum & luxuriam ipso etiam externo amictu profiteretur. Et sunt, pro dolor, feminae, quæ exteras quaedam mulieres imitatae, nec ipsas satis mammæ tegunt; ut appareat

Cælius lib. 13.
cap. 7.
Sab. lib. 2.
En. 6.

Osee. 2.

pareat, eas velle oculos spectantium lactare. Apostolus vult etiam capita mulierum velari, nedum vbera. Ob quam causam mulier si comam nutriat, gloria est illi: quoniam capilli pro velamine illi dati sunt. Mutata nunc sunt secula, olim fuit turpe mulieri tonderi; nunc pulchrum censetur. Olim velari pulchrum fuit, nunc non caput tantum nudant, sed etiam pectus, ut eo inspecto curiosorum oculi corpus quoque, reliquum possint licitari. Ita nimirum vana sunt Veneris mancipia, quae, si desint alij venditores, se ipsa prostituunt gratis.

1. Cor. 11. 15.

C A P V T XXXIII.

Secunda & tertia causa, ob quam diuina bonitas iustissime adulteria fieri permittit, scilicet Fidei diuina & duplicis Temperantia defectus.

MVndus ab initio innocens fuit; neque sciuit primaetas de adulterijs quidquam. Et primos parentes, in Paradiso, virgines mansisse aiunt; inde exules primum matrimonio vsos. Postea, cum tempore, malitia creuit. Videns enim Deus, quod multa malitia hominum esset in terra, & cuncta cogitatio cordis intenta esset ad malum, omni tempore, diluuium Mundo induxit, ut ablueret tantam foeditatem. Verè Venusinus vates:

*Damnosa quid non imminuit dies?
Aetas parentum peior auis, tulit
Nos nequiores, mox daturos
Progeniem vitiosorem.*

I.
Gen. 4. 6.

Gen. 6. 5.

Horat. lib. 3.
Carm. od. 6.

Et alius Poëta aureo seculo aureos mores tribuens canit:
*Credo pudicitiam, Saturno rege, moratam
In terris, visamq; diu: cum frigida paruas
Præberet spelunca domos, ignemq; laremq;
Et pecus & dominos communi clauderet umbra.*

Iuuenal. Satyra. 6.

Quemadmodum ergo vires hominis ad senium vergentis, ita & virtutes Mundi senescentis deficiunt. Filius hominis veniens, putas, inueniet fidem in terra? Tanta est socordia, tantus neglectus rerum diuinarum, ut plurimi neque de Deo audiant, neque legant,

Luc. 18. 8.